

Sumáriu Kazu

Tribunál Distritál Suai

Dezembru 2015

A. Sumáriu prosesu julgamentu kazu iha Tribunál Distritál Suai-Períodu Dezembru 2015

1. Totálkazune'ebé JSMP monitoriza:8

TipuKazu	Númeru
Artigu 145 & 35 LKVD – Ofensa ba integridade física simples ho natureza Violénsia Doméstika	2
Artigu145- Ofensa ba integridade física simples	2
Artigu178 - Aktu seksuál adolexente	1
Artigu 225- La halo-tuir obrigasaun alimentár	1
Artigu 831 - Responsabilidade podér paternál	1
Artigu258 - Danu simples	1
Totál	8

2. Totál desizaun ne'ebé JSMP monitoriza:5

Tipu desizaun	Númeru
Pena prizaun	-
Pena prizaun ho dever seluk (indemnizasaun sivil)	-
Suspensaun ba pena prizaun tuir Artigu 68 husi Kódigu Penál	-
Suspensaun ba pena prizaun ho devér tuir Artigu 69 husi Kódigu Penál	-
Suspensaun ba pena prizaun ho regra ba konduta tuir Artigu 70 husi Kódigu	-

Penál	
Suspensaun ba pena prizaun ho akompañamentu tuir Artigu 71 husi Kódigu Penál	-
Pena multa tuir Artigu 67 husi Kódigu Penál	1
Pena multa ho obrigasaun hodi hetan tratamentu ka akompañamentu tuir Artigu 38.2 husi LKVD	-
Admoestasaun tuir Artigu 82 husi Kódigu Penál	-
Omologu	3
Absolve	1
Totál	5

3. Total kazu sira ne'ebé adiatuir JSMP nia monitorizasaun :3

Razaun adiamantu	Númeru
Arguidu la marka prezensa	1
Arguidu no testemuña la marka prezensa	1
Lezada la marka prezensa	1
Totál	3

4. Total kazu ne'ebé sei kontinua prosesu tuir JSMP nia monitorizasaun :-

B. Deskripsiunsumáriudesizaunsira

1. Krime danu simples

- Nú. Prosesu : 226/pen/2015/TDS
 Kompozisaun tribunál : Singulár
 Juis : Dr. CostâncioBarros Basmery
 Ministériu Públiku : Dr. Mateus Nessi
 Defeza : Dr. Joao Henrique de Carvalho
 Tipu dezisaun : Absolve

Iha 01 Dezembru 2015, Tribunál Distritál Suai julga kazu danu simples ne'ebé involve arguidu Nazario Freitas hosoru lezada Sebastiana do Carmo. Kazu ne'e akontese iha 16 Outubru 2014, iha Distritu Suai.

Ministériu Públiku akuza katak iha 07 Jullu 2015, arguidu no lezada diskuti malu kona-ba lezada nia ai-teka hun 60 ne'ebé arguidu lere hotu, wainhira arguidu lere nia to'os ne'ebé besik ho lezada nia toos.

Ministériu Públiku akuza arguidu kontra artigu 258 Kódigu Penál kona-badanu simples.

Iha prosesu julgamentu, arguidu nega akuzasaun ministériu públiku no deklara katak wainhira nia lere nia toos, nia hare ai-teka iha lezada nia toos laiha ona ka koa hotu ona.

Iha parte seluk, lezada deklara katak nia la hare ho matan arguidu mak lere no taa ai-teka hirak ne'e maibé nia rona hosi ema seluk.

Iha alegasaun finál, ministériu públiku husu ba tribunál atu aplika pena tuir artigu 258 Kódigu Penál. Enkuantu, defeza husu ba tribunál atu absolve arguidu tanba faktus hosi akuzasaun ministériu públiku laprovadu.

Depois avalia faktu sira relasiona ho kazu ne'e, tribunál konklui prosesu ne'e no absolve arguidu hosi prosesu ne'e tanba arguidu laprovadu komete krime ne'e.

2. Krime la halo-tuir obrigasaun alimentár

Nú. Prosesu	: 188/pen/2015/TDS
Kompozisaun tribunál	: Singulár
Juis	: Dra. Maria Modestade Almeida
Ministériu Públiku	: Dr. Mateus Nesi
Defeza	: Dr. João Henrique de Carvalho
Tipu dezisaun	: Omologa

Iha 01 Dezembru 2015, Tribunál Distritál Suai julga kazu la halo-tuir obrigasaun alimentár ne'ebé komete hosi arguidu AxdS hasoru AC nu'udar arguidu nia feen no oan na'in rua. Kazu ne'e akontese iha 13 Outubru 2014, iha Distritu Suai.

Ministériu Públiku akuza katak iha 13 Outubru 2014, arguidu sai hosi uma no to'o agora arguidu nunka fo alimentasaun ba lezada no nia oan nain rua ne'ebé sei idade menór.

Ministériu Públiku akuza arguidu kontra artigu 225 Kódigu Penál kona-ba krime la halo-tuir obrigasaun alimentár.

Iha prosesu julgamentu, arguidu konfesa faktu sira iha akuzasaun no promete katak nia sei halo tuir obrigasaun alimentár ba nia oan na'in rua. Arguidu deklara katak kada fulan nia sei integra US\$100.00 ba nia oan sira. Iha parte seluk, lezada konkorda ho montante osan refere no hakarak desiste tiha keixa ne'e.

Iha alegasaun finál, ministériu públiku no defeza konkorda ho akordu ne'ebé parte rua deside ona no husu atu absolve arguidu.

Bazeia ba akordu hosi parte sira no pedidu dezistensia hosi lezada, tribunál omologa prosesu ne'e.

3. Krimeofensa ba integridade física simples

Nú. Prosesu	: 247 pen/2015/TDS
Kompozisaun tribunál	: Singulár
Juis	: Dra. Maria Modesta de Almeida
Ministériu Públiku	: Dr. Bartolomeo de Araujo
Defeza	: Dr. Manuel Amaral
Tipu dezisaun	: Omologa

Iha 11 Dezembru 2015, Tribunál Distritál Suai julga kazu ofensa ba integridade física simples ne'ebé involve arguida Terecia Ili Manek hasoru lezada Eugenia Cardoso. Kazu ne'e akontese iha Distritu Suai.

Iha prosesu julgamentu ne'e, arguida konfesa faktu sira hosi akuzasaun no husu diskulpa kedes ba lezada. Arguida mós promete katak nia sei la repete hahalok ne'e iha futuru. Iha parte seluk, lezada deklara katak nia fo perdua arguida no husu atu deziste tiha keixa ne'e.

Iha alegasaun finál, ministériu públiku no defeza konkorda ho proposta hosi parte rua no husu ba tribunal atu omologu prosesune'e.

Bazeia ba akordu hosi parte rua no pedidu dezistensia hosi lezada, tribunál omologa prosesu ne'e.

4. Krimeofensa ba integridade bafízika simples ho natureza violénsiadoméstika

Nú. Prosesu	: 223 /pen/2015/TDS
Kompozisaun tribunál	: Singulár
Juis	: Dr. Constâncio Barros Basmery
Ministériu Públiku	: Dr. Bartolomeo de Araujo
Defeza	: Dr. Manuel Amaral

Tipu dezisaun : Pena multa US\$60.00

Iha 15 Dezembru 2015, Tribunál Distritál Suai, hala'o prosesu julgamento ba kazu ofensa ba integridade fízika simples ne'ebé involve arguidu AG hasoru nia oan mane. Kazu ne'e akontese iha Distritu Suai.

Ministériu Públiku akuza katak iha 27 Marsu 2015, lezadu seidauk hatama karau ba iha luhan. Tanba ne'e arguidu hirus, foti diman no tuda kona iha lezada nia ain kabun parte los no resulta kanek no ran. Tanba akontesimentu ne'e, lezadu konsege hala'o tratamento iha Ospitál Suai.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 (b) Lei KontraViolénsia Doméstica.

Iha prosesu julgamento arguidu rekoñese faktu sira iha akuzasaun ministériu públiku. Iha parte seluk, lezadu mós kontinua reforsa akuzasaun hosi ministériu públiku.

Iha alegasaun finál, ministériu públiku husu ba tribunál atu aplika pena multa US\$60.00 no kada loron arguidu selu US\$1.00. Wainhira la selu, arguidu sei hetan kastigu iha prizaun durante loron 40. Enkuantu, defeza husu ba tribunál atu aplika pena ne'ebe justu no adekuadu ba arguidu.

Depois de avalia tiha faktu no prosesu sira hotu relasiona ho kazu ne'e, tribunál konklui prosesu ne'e no kondena arguidu ho pena multa US\$60.00 no kada loron arguidu sei selu US\$1.00 durante loron 60. Wainhira la selu pena multa refere, arguidu sei kumpri iha prizaun durante loron 40 nu'udar pena alternativa.

5. Kazu responsabilidade podér paternal

Nú. Prosesu : 05/civil/2013/TDS
Kompozisaun tribunál : Singulár
Juís : Dr. Nasson Sarmento
Ministériu Públiku : Dr. Jose Elo
Defeza : Dr. Manuel Amaral
Tipu dezisaun : Omologa

Iha 15 Dezembru 2015, Tribunál Distritál Suai julga kazu responsabilidade podér paternal ne'ebé involve autor no autora AS, HAS no MCA nu'udar oan hasoru sira nia inan noaman (MA) no (RS) nu'udar reu.

Iha prosesu ne'e, parte sira konkorda atu sira nia oan livre ba mai ka vizita inan-aman liu-liu iha loron férias sira hanesan loron boot Natal, Paskua no ferias eskola. Aleinde ne'e, parte reu iha direitu atu lori nia oan ba halimar iha nia uma maibé la bele obriga.

Iha prosesu ne'e, MA konkorda atu sustenta nia oan na'in tolu US\$40.00 kada fulan no fos karun ida to'o labarik sira boot. Relasiona ho prosesu intrega osan, sei haruka liuhusi konta bankaria. Entretantu RS promete sei tau matan no proteze nia oan sira ne'ebé agora dadaun hela ho sira nia avo hosi parte inan nian.

Iha alegasaun finál, ministériu públiku no defeza konkorda ho proposta hosi parte rua no husu ba tribunal atu omologa prosesu ne'e.

Bazeia ba akordu hosi parte rua, no pedidu dezistensia hosi parte sira, tribunál omologa prosesu ne'e.

Atuhetaninformasaunkle'an favor kontaktudireitamente:

Luis de Oliveira Sampaio
DiretorEzekutivu JSMP
Diresaun e-mail: luis@jsmp.minihub.org
info@jsmp.minihub.org
telefone: 3323883/77295795